



Tshaabxu Txug Roj Saablaaj Txwmxyoo Ntawm Koomhum Namtsev Qeb Sab

Colorado Springs, CO June 8-10, 2018

I. Tshaabxu dlejnum hab nyajtxag

A. Homphaj xyoo 2017-18 hab xyoo 2018-19

1. Tseem siv tuab lub homphaj “ntxiv” (more) rua xyoo 2018-19. Nqai Vaajlugkub yog nyob rua huv Yaxayas 61:3b, “Puab yuav zoo ib yaam le tsob ntoo kws tug Tswv cog tseg. Puab yuav ua ncaaj ua nceeg, mas suavdlawg yuav qhuas Vaajtswv, vim tej num zoo kws Nwg tau ua.”

2. Dlaim dluab:

Xyoo 1: Lub qhov rais qheb rua saab nrau = muaj nroj tsuag/ntoo zoo nkauj hab caw moog rua ntawm qhov chaw kaaj kws muab tau txujsa rua koj.



Xyoo 2: Lub roj nyob hab tsob ntoo = nyob ntawm qhov chaw ntsag tu.



3. Lub cim “ntxiv” (more) qha rua peb txug:

Xyoo 1: Dlaim nplooj ntoos mog lossis txuj maab = tseem yuav luj hlub lossis lulug cogtseg.

Xyoo 2: Dlaim nplooj ntoo ntseej (oak leaf) = luj tsheej ib dlaim nplooj ntoos lossis txuas rua ib yaam kws muaj zug hab khov.

1



2

4. Nqai Vaajlugkub qha rua peb txug:

Xyoo 1: Saib rua (focus) = “... qha txuj moo zoo rua cov pluag, cov muaj kev lwj sab, cov raug luas nteg, cov raug txim...”; caw moog nrhav txuj kev casab hab txujsa ntawm Yexus.

Xyoo 2: Saib rua “Tsob ntoo ncaaj nceeg” = moog ntawm qhov tsi muaj zug rua qhov muaj zug, qhov tsawg rua qhov ntau.

5. Lub homphaj rua xyoo 2 yog = Nplig cov kws muaj kev quaj ntsuag hab muab kev zoo sab paj kev quaj ntsuag kws yog Tsob Nto Ntseej Ncaaj Nceeg (Oak of Righteousness).
6. Cov ntsab lug rua lub homphaj “ntxiv” xyoo 2 yog:
 - Tso ntoo ntseej ncaaj nceeg
 - Qhov chaw nyob ntsag tu
 - Qhov chaw su ntsag tu
 - Txuas nrug lwm tug
 - Cog caag tub lossis muaj caag
7. Cov nqai Vaajlugkub txhawb cov ntsab lug:
 - Ntawv Nkauj 1:1-3; zoo le tej ntoo cog ze rua ntawm ntug dlej
 - Yelemis 17:7-8; nrhau caag rua huv dlej; tsi ntshai, tawg paaj txi txiv lawv caij nyoog
 - Ntawv Nkauj 73:21-27; Vaajtswv yog kuv lub zug, hab yog tug kuv ntshaw
 - Efexus 3:14-21; muab sab npuab Vaajtswv, tsob ntoo caag ntsa aav tub tub, ua kuas Vaajtswv tau koob meej moog ib txhis.
 - Kaulauxais 2:6-7; ua lub neej phim qhov nrug Yexus koom ib txujsa, naj nub ua Vaajtswv tsaug.
8. Cov quaspaj huv Vaajlugkub:
 - Luv hab Na-aumis (puj ntsuag)
 - Exethaws (mivnyuas ntsuag)
 - Tanpithas/Daulukas (paab cov puj ntsuag) Tegnum 9:36-41

B. Nyajtxag

1. Cov nyaj “**Tso Nrug Homphaj**” (GPS) 2 lub xyoos kws yog xyoo 2015-16 hab 2016-17 tau \$480,303.02
2. Cov nyaj “**ntxiv**” (more) xyoo 1 kws yog 2017-18 lug txug rua lub 4/30/18 tau \$82,536.59 Xyoo xaus rua lub homphaj xyoo 1 yog lub 6/30/18.
3. Kev siv nyaj xyoo 2017-18 yog:
 - \$ 82,536.59 cov nyaj tau lug
 - - \$10,729.75 muab 13% rua KHNQS kis nyaj siv dlha dlejnum
 - - \$3,301.46 muab 4% moog rua KHQS kis nyaj xaa moo zoo
 - - \$68,505.38 muab faib lawvle cov homphaj kws komtseg rua IM, MCM, & REM

4. Cov nyaj stamp qub xaa ntawv (Stamp Ministry):

- Komtseg rua xyoo 2017-18 yog \$25,000.00
- Tau lug lub 4 hlis xaus xyoo 2018 yog \$14,000.00
- Yog lub 6 hli xaus tau nyaj ncaav homphaj, cov nyaj stamps txij xyoo 1971 lug txug rua xyoo 2018 yog tau \$100,000.00

C. Homphaj nyaj rua xyoo 2018-19 yog \$157,500.00

II. Kev xaivtsaa

- A. Tug teev ntawv su, tseem tshuav ib lub xyoo maam le txug sijhawm xaiv. Rooj saablaaj taw tau Barbara Linn lug ua ib lub xyoo; maam rov xaiv dlua lwm xyoo. Nwg tug email yog: blinn@nedcma.org hab xuvtooj yog 315-338-3632.
- B. Lub meejmom tsaavxwm ib leeg taag noobnyoog kws yog Hilda Maysonet Roman. Rooj saablaaj rov xaiv tau nwg lug tuav plaub (4) lub xyoo ntxiv.

III. Rooj saablaaj xyoo 2019 yog nyob rua The Orlando World Center Marriott; huv Orlando, FL

- A. Sijhawm yog May 27-28, 2019. Yuav tau sawvkev moog lub May 26 txhaj le ncaav.
- B. Muaj 4 lub meejmom taag noob nyoog hab yuav xaiv rua lwm xyoo xwsle: Tug Thawj Namtsev, tug Teev Ntawv, tug Canyon, hab ib tug Tsaavxwm.

Yog ib lub meejmom zoo kws cov tsaavxwm KHN xaa kuv (N. Ntxhi Pov Thoj) hab N. Kx. Ntshab Ntxawg Xoom moog koom KHNQS lub rooj saablaaj txwmxxyoo xyoo nuav; thov ua suavdlawg tsaug. Yog ib yaam zoo hab txhawb tau wb zug rua phaab kev ua Vaajtswv dlejnum ntau kawg le. Thov Vaajtswv foom moov zoo rua cov tsaavxwm KHN hab ib tsoom namtsev txhua tug.

Dlejnum Ntawm Vaajtswv,

N. Ntxhi Pov Thoj

N. Kx. Ntshab Ntxawg Xoom

N. Ntxhi Pov Thoj (Lwm Thawj Namtsev) hab N. Kx. Ntshab Ntxawg Xoom (Nam Thawj Tsaavxwm)

